

Cuntellera AFQ

Cunteller AFQ

Metall

Sco cuntellera u cunteller fas, gizzas e reparas ti utensils da tagliar, sco p.ex. cuntels, forschs, nizzas da far la barba, cuntels da giaglioffa, forschs da tola u forschs d'iert. Ti preparas tut ils pass da lavur e procuras per il material necessari. Ultra da quai vendas ti products e cusseglias la clientella.

Incumbensas

Planisar e preparar

skizzar propostas per sclerir la realisabladad d'in project
fixar ils pass da lavur, il material, ils custs ed ils termins, far in'offerta
modellar ils differents elements cun agid d'in program CAD
producir in prototip, p.ex. cun in stampader 3D
procurar per il material necessari per las lavurs da cuntellaria
a maun d'in dissegn u d'ina schablona segnar e marcar las dimensiuns da la loma u dal manetsch, p.ex. sin in toc criv d'atschal u da materia sintetica

Producir lomas

producir ils singuls tocs cun ina maschina CNC u cun maschinas convenziunalas sco turns automatics
resgiar, tagliar e mular tolas d'atschal u profils per als furmar sco giavischè
storscher il material en in stadi chaud e fraid en la furma giavischada
furmar il metal stgaudà a cotschen da burni per far la nizza giavischada, e cuntanscher la direzza necessaria cun tractaments da chalur
furar las foras da passadi e da satg, tagliar e rudlar las crennadiras, smuttar ils urs gizz
raffinar, mular, nettegiar e gizzar la loma – tut tenor il material e l'intent d'utilisaziun

Far monis

tscherner il material dal moni, p.ex. lain, corna, ossa, tgirom, fibra da charvun u titan
preparar e producir monis e fixaziuns

Montar utensils da tagliar

nettegiar, barschunar, pulir u prender la glischur da la loma
tatgar ensemen tocs da metal e da materia sintetica
preparar parts per il tractament da la surfatscha e stritgar si surtratgas cunter corrosiun, per ch'i na dettia nagina ruina
metter ensemen ed adattar molas e monis
controllar e documentar products finids

Mantegnair e reparar utensils da tagliar

giuditgar il stadi da l'utensil da tagliar
demontrar, nettegiar e mantegnair lomas da forschs, cuntels u segapastgets
remplazzar ed adattar tocs da reserva, monis sco er las crosas dal moni da metal, materia sintetica u material natiral
glimar e gizzar ils utensils da tagliar tut tenor la furma ed il material
mantegnair utensils e maschinas sco maschinas da pulir, smerigliadra a bindel, turn automatic, maschina da fresar e maschina da furar

Vender utensils da tagliar

cussegliair clientas e clients: d'ina vart persunas che cumpran utensils da tagliar per il diever privat, da l'autra vart utilisadras ed utilisaders
professionals
vender products artisanals u producids industrialmain
realisar incumbensas administrativas, p.ex. scriver quints, far preventivs dals custs e manar la contabilitad

Ambient da lavur

Sco cuntellera u cunteller lavuras ti ubain en lavuratori pitschens u en interpresas pli grondas. En pitschens lavuratori es ti responsabla u responsabel per l'entir process da produenziun e lavuras en moda manuala. En manaschis gronds ed internaziunals ta spezialiseschas ti en ina tscherta moda da produenziun e lavuras ensemen cun persunas spezialisadas da la bransch da construcziun da maschinas e da metal. En connex cun lavurs sco fravegiar, nettegiar u endirir ta protegias ti cun vestgadira da protecziun ed egliers da protecziun.

Suenter intgins onns experientscha pratica e suenter ina scolaziun commerciala supplementara pos ti ta far independenta u independent ed avrir in'atgna fatschenta per rauba da tagliar. Mo fitg paucs manaschis prendan emprendistas ed emprendists.

Pretensiuns e interess

Pretensiuns

Inschign manual
Imaginaziun tridimensiunala
Chapientscha tecnica
Moda da lavurar conscienziusa ed exacta
Perseveranza e capacita da tegnair la dira
Moda da lavurar independenta
Plaschair da vender e da cussegliair

Interess

Elavurar metal
Lavurar en moda exacta
Lavurar cun ils mauns
Schliar incumbensas tecnicas

Scolaziun

La scolaziun vegn fatga sco emprendissadi en in manaschi.

Manaschis

furmaziun pratica en ina cuntellaria: 3 fin 4 dis per emna

Scola

1 fin 2 dis per emna a las scolas professiunalas spezialisadas chantunalas, ensemen cun las mecanistas ed ils mecanists da produziun AFQ

Curs odaifer il manaschi

Basilea: 24 dis durant 4 onns, ensemen cun las mecanistas ed ils mecanists da produziun AFQ

Durada

4 onns

Cundiziuns d'admissiun

terminà la scola obligatorica

Maturitad professiunala

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professiunala.

Titel da finiziun

Cunteller / Cuntellera AFQ

Furmaziun cuntinuonta

Curs

Manader / Manadra da l'ufficina

Examen professiunal (EP)

Spezialist / Spezialista da mantegniment EP

Spezialist / Spezialista per la produenziun EP

Spezialist / Spezialista da process EP

Examen professiunal superiur (EPS)

Manader / Manadra da facility management e maintenance EPS

Directur / Directura da produenziun industrial EPS

Scola spezialisada superiura (SSS)

Tecnicist / Tecnica da process SSS

Scola auta spezialisada (SAS)

Bachelor of science SAS en tecnica da sistems e da maschinas

Tut tenor la scola auta spezialisada valan differentas cundiziuns d'admissiun.

Professiuns sumegliantas

Professiun

Ferrer / Ferrera d'armas AFQ

<https://www.berufsberatung.ch/de/rm/professiun/ferrer-ferrera-darmas-afq>

Professiun

Constructur / Constructura da metal AFQ

<https://www.berufsberatung.ch/de/rm/professiun/constructur-constructura-da-metal-afq>

Professiun

Mecanist / Mecanista da producziun AFQ

<https://www.berufsberatung.ch/de/rm/professiun/mecanist-mecanista-da-producziun-afq>

Professiun

Micromecanist / Micromecanista AFQ

<https://www.berufsberatung.ch/de/rm/professiun/micromecanist-micromecanista-afq>

Professiun

Polimecanist / Polimecanista AFQ

<https://www.berufsberatung.ch/de/rm/professiun/polimecanist-polimecanista-afq>

Ulteriuras infurmaziuns

Swissdoc Nummer

0.580.23.0

TODO

Verband Schweizerischer Messerschmied-Meister und verwandter Berufe

<https://www.coutelier-suisse.ch/>

Schweizerischer Verband mechanisch-technischer Betriebe

<https://www.swissmechanic.ch>

Verband für Firmen der Schweizer Tech-Industrie

<https://www.swissmem.ch/de/index.html>

TODO

<https://www.becc.admin.ch/becc/public/bvz/beruf/show/43813?lang=de>